



Broj: 05-04-20-4281-5/22
Maglaj, 07.10.2022. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 05-04-20-4281-3/22 od 04.10.2022. godine, u postupku javne nabavke „Izrada Elaborata za utvrđivanje granice vodnog dobra uz vodotoke II kategorije“, Općinski načelnik donosi

ODLUKU

o izboru najpovoljnijeg ponuđača
(LOT 2)

I

Prihvata se preporuka Komisije za javne nabavke i ugovor za izradu Elaborata za utvrđivanje granice vodnog dobra uz vodotok rijeke Jablanice dodjeljuje se ponuđaču „**TraffiCon**“ d.o.o. **Odžak**, u skladu sa ponudom broj 027-1/2022 od 30.09.2022. godine, po ukupnoj konačnoj cijeni od **4.600,00 KM bez PDV-a, odnosno 5.382,00 KM sa PDV-om**.

II

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-4281/22 od 08.09.2022. godine, pokrenut je postupak javne nabavke „Izrada Elaborata za utvrđivanje granice vodnog dobra uz vodotoke II kategorije“, otvoreni postupak, podijeljen na dva lota. Predmetna javna nabavka objavljena je na Portalu javnih nabavki, obavještenje o nabavci broj 1140-1-2-107-3-49/22 od 13.09.2022. godine. Kriterij za dodjelu ugovora je najniža cijena.

Predmetni postupak je provela komisija za javne nabavke, imenovana Odlukom broj 05-45-1-1069/22 od 19.05.2022. godine, te Odlukom broj 05-45-1-1069-2/22 od 03.10.2022. godine kojom je u komisiju, samo za provođenje ovog postupka, imenovana predstavnik Ministarstva poljoprivrede, šumarstva i vodoprivrede Zeničko-dobojskog kantona, u skladu sa Sporazumom o zajedničkom učesću i realizaciji projekata iz „Programa utroška sredstava vodnih naknada za 2022. godinu – Utvrđivanje granice vodnog dobra uz vodotoke II kategorije“, broj Ministarstva: 05-21-1966-14/22 od 12.07.2022. godine, broj Općine Maglaj: 05-45-1-1457/22 od 19.07.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav

(5) i 65. stav (2) Zakona o javnim nabavkama ("Službeni glasnik BiH", br. 39/14 i 59/22, u daljem tekstu: Zakon).

U predmetnom postupku, Komisija je utvrdila sljedeće:

Blagovremeno je zaprimljena jedna ponuda za LOT 2 (Izrada Elaborata za utvrđivanje granice vodnog dobra uz vodotok rijeke Jablanice) i to ponuda ponuđača „TraffiCon“ d.o.o. Odžak. Neblagovremenih ponuda nije bilo. Komisija je utvrdila da ponuda i formom i suštinom ispunjava sve uslove iz tenderske dokumentacije, te da ponudena cijena ne prelazi procijenjenu vrijednost nabavke za predmetni lot, zbog čega je ponudu ocijenila prihvatljivom.

S obzirom na navedeno, te činjenicu da e-aukcija nije održana, Komisija je rukovodiocu ugovornog organa dala preporuku da ugovor za LOT 2 (Izrada Elaborata za utvrđivanje granice vodnog dobra uz vodotok rijeke Jablanice) dodijeli ponuđaču „TraffiCon“ d.o.o. Odžak, po cijeni od 4.600,00 KM bez PDV-a, odnosno 5.382,00 KM sa uračunatim PDV-om.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

